



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 32. Victoria dudum anceps.

---

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Cremonenses interclusurus. Cogitabat  
 equidem Alvianus Gallos prævertere,  
 locumque occupare, nec id magni labo-  
 ris negotium fuisset; verum vix ultimum  
 ejus agmen medium iter Vacilatam in-  
 ter & Agniadellum tenebat, cum jam-  
 jam prima Gallorum acies sub Calvimon-  
 tio, & Trivultio Ducibus in Venetos  
 irrueret; quoniam vero Galli hostibus  
 numero impares essent, Helvetiorum or-  
 dinibus perruptis, eorum equitatus a  
 Venetis peditibus ingenti clade afficie-  
 batur; opportune tamen Rex cum me-  
 dia ac postrema acie accurrit, dispersos  
 Helvetios colligit, atque aggerem, quem  
 hostes pro locandis tormentis tumultua-  
 rio opere erexerant, necnon peditibus  
 munierant, feliciter superavit, ac demum  
 Vasconibus, qui primo animum de-  
 sponderant, extrema quæque tentantibus,  
 unico veluti temporis momento statio-  
 nem, de qua tamdiu controvertebatur,  
 recuperavit.

scul. XVI.  
 A. C. 1509.

Guicc. lib. 8.

Branton.  
 elog. Lud.  
 XII.

§. XXXII.

*Victoria dudum anceps.*

Hic pugnandi ardor ita increverat, ut  
 totum demum exercitum occupa-  
 ret: fortiter itaque, dudum tamen an-  
 cipiti Marte, utrinque certabatur, nec  
 strenuum ab ignavo, prudentem a teme-  
 rario

Marians  
 l. 29 n. 81.

**Sæcul. XVI.** raro discernendi copia erat, donec Ita-  
**A.C. 1509.** lorum peditatus tanto impetu in Gallos  
 pedites effunderetur, ut his in fugam actis stationem in acie caperet. Hæc pugnae auspicia certam Venetis victoriam polliceri videbantur; Italarum enim & Gallorum legiones intermixtæ dimicabant, omnique ex parte tumultuaria erat pugna, nec hostis ferme ab hoste amplius dignoscebatur: Verum, ut non raro præcipue in belli eventibus fieri amat, ubi exigui momenti casus maximas inducunt rerum vicissitudines, ac victoriæ palmam illi tribuunt, qui ejusdem spe votisque jamjam dejectus videbatur; ita etiam tam opportuno consilio bellica Gallorum tormenta inter arbuſta collocabantur, atque hostium oculis subducta tanto impetu in eorum agmina detonabant, ut Veneti, qui adversus vim adeo inexpectatam nullatenus sese præmunierant, plurimum deficerent, divisisque Phalangibus late perrumpendi viam præberent.

## §. XXXIII.

*Gallorum victoria.*

Venetis igitur hinc inde dispersis cæsisque Gallorum equites, quibus necdum pugnandi copia obtigerat, hostium confusionem in rem suam vertebant, in eosque omni ex parte tanto furore irrumpebant,